



外科正宗卷九

海甯許楣辛木訂

明崇川陳實功著 吳江徐大椿靈胎評

海甯蔣光煊寅昉校

囊癰論第四十

夫囊癰者。乃陰虛溼熱流注於囊。結而爲腫。至潰後。置丸懸挂者。猶不傷人。以其毒從外發治當補陰清利。溼熱。取效者十有八九。近時人悞用痘家熱藥。多致熱甚爲膿。徐曰此二語確甚初宜龍膽瀉肝湯。龍膽

徐勤批曰

初太寒

稍久滋陰內托散外敷如意金黃散俱可

內消。又一種水疝。皮色光亮無熱無紅。腫痛有時。內有聚水。宜用針從便處引去水氣。則安

此句徐圈批  
日不可少此

法。如腫痛日久。內膿已成。脹痛者。可卽針之。內服十全大補湯。加山茱萸。牡丹皮。澤瀉治之。間以六味地黃丸服之。亦愈。

囊癰看法

初起不紅微腫。腎子引痛。不作寒熱。起坐自便者輕。已成紅腫發熱。形色光亮。疼痛有時。飲食有味者順。已潰

膿稠腫消痛止。新肉漸生。不痛作癢收斂者吉。潰後腐爛。囊皮脫落。甚者睾丸突出。能食不痛者順。初起堅硬紫色。日夜痛甚。小便不利。大便秘泄者重。已成堅而不潰。頭腐無膿。疼痛無時。常流血水者重。潰後膿口開張。腫痛不減。身發寒熱。睡臥不甯者重。

### 囊癰治法

初起寒熱交作。腎子腫痛。疼連小腹者。宜發散寒邪。已成紅腫發熱。口乾渴痛。小水不利。大便秘者。利之。已潰疼痛不減。膿水清稀。朝寒暮熱者。宜滋陰內托。潰後不

能收斂。日晡發熱。飲食減少者。宜養血健脾。潰後墨丸。懸挂。不能收斂者。當外用生肌。內加補托。

### 囊癰治驗

一男子風寒未經發散。寒中腎囊。作腫痛甚。以萬靈丹洗浴發汗。寒邪頓退。又服四物湯加澤瀉。蒼朮。山梔。天花粉。外敷如意金黃散數次而痊。

徐曰。此輕邪不成癰。

一男子囊腫甚大。脹疼不熱。按之軟而卽起。此溼水流注聚而不散。以拔針導去黃水碗許。服導水消腎丸。

月餘而消。又以木香補腎丸服之不發。

徐曰。此溼腫之症。

一男子患此十餘日。腫甚。脹痛。內膿已成。針之出膿碗許。服十全大補湯加澤瀉丹皮十餘劑而收斂。

一老年人素有疝氣。因怒傷肝。舉發疼痛。自服盤葱散熱藥。腫痛益甚。腎囊半邊堅硬。皮損紫黑。此欲腐爛見臯丸候也。余語之不信。尚欲內消。請他醫治之。內服龍膽瀉肝湯。外敷四黃散。寒涼等藥。堅硬果腐。飲食少進。虛熱不睡。痛甚昏憤。又復請治。余曰。此症初

起似疝。實非疝也。凡疝小腹作疼。牽引腎子。多寒少熱。好飲熱湯。此症乃惱怒傷肝。陰虛溼熱爲患。其囊紅腫發熱。小便赤澀。內熱日乾。墜重作痛。是爲囊癰之候。初宜清利溼熱。此六字徐圈而反用疝家熱藥。已成

宜補陰。而又用瀉肝涼劑。老年氣血既虧。攻補機關又誤。安得不殆。當養氣血。固根本爲主。而佐以安神定痛之藥。接補元氣。死生在進退之間。尙可轉也。內服八珍湯。加麥冬。五味子。遠志。丹皮。外以甘草湯淋潰腐處。將已壞黑肉盡行翦落。其舉丸已露數日後。

因得補藥之力。前症漸退。飲食漸進。外腐已盡。腎子已突出大半。搽以玉紅膏。外用膏蓋。肌長漸收。調理半年外始安。

徐曰。若治之得法。一月必愈。

一男子腫痛十餘日。堅硬無膿。囊頭紫色作爛。此欲外腐。以蟾酥錠爲末。繙上膏蓋二日。腐肉脫下。搽玉紅膏。以太乙膏掩之。內服補陰滋腎藥而愈。

一男子慾後受寒。致陰囊牽引小腹作痛。惡寒發熱。診之。脈緊數而無力。服五積散一劑。寒熱乃退。痛亦稍

止。更用八珍湯加肉桂丹皮澤瀉數服而愈。

內桂  
徐勒

### 囊癰主治方

清肝滲溼湯

清肝滲溼湯歸地山梔膽草天花粉

柴通澤瀉芩燈心甘草效如神

治囊癰。肝經溼熱結腫。小水不利。發熱掀痛者。

川芎

當歸

白芍

生地

柴胡

龍膽草

山梔

天花粉

黃芩

各一錢

澤瀉

木通

甘草

各五分

水二茶鍾。燈心二十根。煎八分。食前服。

徐曰。不外此方。

滋陰內托散

滋陰內托散芎歸角針澤瀉併山甲

白芍還兼熟地者  
囊癰日久服相宜

治囊癰已成腫痛發熱。服之有膿即可穿潰。

當歸

川芎

白芍

熟地

黃耆

錢半

阜角針

澤瀉

穿山甲

各五分

水二茶鍾煎八分。食前服。

徐曰。通治此症之方。

導水消腎丸

導水消腎丸茅朮  
更入木香共研末

木通肉桂炒牽牛  
囊癰丸服不須憂

治內傷生冷。外受風寒。以致寒溼侵入囊中小者如升大者若斗。皮膚頑厚。陽物短縮。小水不利。不痛多

冷俗稱沙痞是也。宜服此藥引導水氣。日久漸消。不爲廢疾。此方常驗。

茅山蒼朮

一斤米泔水  
浸切片炒黃

木通

半斤

肉桂

一兩刮去粗皮

牽牛

二兩  
微炒

不香

一兩

共爲細末。陳米粉打糊。丸如桐子大。每服百丸。空心白滾湯清米湯任下。忌生冷麪食。此囊雖夏月炎天。亦以衣被覆之爲妙。

徐曰。此方不可輕服。

灸偏墜法

偏墜灸法最爲靈。  
木腎盡頭爲灸穴

候取天晴仰卧身  
灸之七壯自然平

候取天晴不犯人神日。患者平身仰卧。取木腎于根下硬根盡處以墨點記。用安豆大艾炷。三年之內灸七壯。年久者灸九壯。十一壯爲止。內服木香補腎丸。戒食生冷。兼忌房事百日爲妙。

木香補腎丸

木香補腎丸地精  
丁茴二香歸杞戟

青鹽杜仲與人參

治偏墜。一名木腎。不疼不癢。漸漸而大。最爲頑疾。有妨行動。多致不便。灸後宜用此。可內消。此藥功效。不獨治疝。中年後宜服之。益壽延年。黑髮。壯筋填髓。明目聰耳。補腎助元陽。調飲食。其功不可盡述。婦人服。

之顏如童女。肌膚瑩潔如玉。又精寒血冷。久無嗣息者。服之更妙。

懷慶生地

四兩酒  
煮搗膏

免絲子

肉蓯蓉

黃精

黑棗肉

打爛牛膝

蛇牀子

炒茯苓

遠志

各一錢

兩三錢

歸身

二兩

丁香

五錢

大茴香

木香

各六錢

枸杞子

一兩五錢

巴戟

杜仲

各一兩

青鹽

五錢

人參

五錢

右爲細末。煉蜜丸如梧桐子大。每服六七十九。空心溫酒送下。又諸症不常舉發者。服之亦宜。

徐曰此治腎經氣分之方穩妥無弊最可師法

楣案肉蓯蓉蛇牀子遠志丁香大茴香木香巴戟

徐園

如意金黃散

見腫  
瘍門

治囊癰初起紅赤腫痛發熱墜重者用葱湯同蜜調敷夏月溼熱紅甚者溫茶湯同蜜調敷妙。

囊癰應用方

萬靈丹

蟾酥錠

太乙膏

玉紅膏

俱見腫  
瘍門

十全大補湯

四物湯

俱見遺  
瘍門

外科正宗卷九  
五積散

見附骨疽門

龍膽瀉肝湯

見下疳門

## 懸癰論第四十一

夫懸癰者。乃三陰虧損。溼熱結聚而成。此穴在於穀道之前。陰器之後。謂之海底穴。初生狀如蓮子。少癢多痛。日久漸如桃李。赤腫掀痛。欲潰爲膿。破後輕則成漏。重則瀝盡氣血。變爲癆瘍。不起者多矣。初起時元氣壯實。宜用九龍丹瀉去病根。稍虛者。內消沃雪湯利去溼熱。十中亦有三四可消。如十餘日後。腫勢已成。不得內消。宜托裏消毒散。加山甲皁角刺服之。

破如腫高光亮。膿熟不破頭者用針急破之。穢膿一  
出其患易安。如膿出之後朝以六味地黃丸午以十  
全大補湯加牡丹皮澤瀉溫補滋陰。又有厚味膏梁  
之人氣體壯實者初服龍膽瀉肝湯。瀉服滋陰入物  
湯以清蘊熱。體瘦房勞氣血虛弱者初服八珍湯加  
澤瀉炙甘草。潰後十全大補湯加牡丹皮熟附子。脾  
弱者補中益氣湯以滋化源。日久成漏者國老膏化  
湯吞服蠟礬丸。國老膏以下徐圖批曰此爲正方前諸方皆浮泛首尾悞服  
寒涼損胃傷脾冰凝氣血以致患孔漸開穢膿不止。

者定成虛羸癆瘍。終爲難愈。

### 懸癰看法

初起如松子。漸大若梅李。紅赤腫痛光亮發熱者輕。已成高腫作痛。根腳不散。皮薄易破膿成脹痛者輕。已潰膿稠而黃。氣味不臭。掀腫易消。痛止作癢者順。初起色紫堅硬。根腳漫腫。痛連臀膝。二便不利者重。已成腫如黃瓜。紫斑腐爛。穢水無膿。痛甚氣臭者逆。已潰穢膿不絕。瘡口開張。肉不紅活。虛熱食少者逆。

### 懸癰治法